

瓶

花

齋

集

瓶花齋集卷之二

石公表宏道中郎撰

麻城陳以聞無異閱

詩

出城觀柰子花遇大風至韋公寺而還同
遊為顧升伯李酉卿家伯修

終日惜柰花一身苦牽羈半月始得行垂老翫
姜姬飛鞭出重城修會封姨撲面吹砂礫熟
馬昏路歧白日愁狂霾彌空塞琉璃舉頭觸橫

柳烏紗帽高枝一步一摧折歇馬憩仁祠山僧
出慰勞白水泛槍旗諸餘小比丘目眦心刺譏
未聞看花人罩眼對春姿馬疲人亦困酌酒聊
寬脾不獨負花約兼亦怖天威自我入京來無
日不沙飛四月雙重綿立夏無春時司尹省惟
日愚賤安敢知長歌擊流水驚起雙鸕鷀

古樹

樹老亦如人骨勁皮皴裂百卉爭繁華一枝冷
坳鐵強陽發空心紅芽吐枯節有若老翁醉頽

顧照頭雪姿態雖寡妍根株免摧折百遍閱春
風冰凌傲石碣不似天樅花容易與春別

送劉都諫左遷遼東苑馬寺簿

三年憂國計鬢髮飄霜霰世事閱飛波場偶觀
時變遼陽雖左謫前箸可借便昔時風聞者眼
可得而見倭奴逼朝鮮虛費百億萬竭盡中國
膏不聞蹶隻箭東虜近乘勝虛聲震京甸我兵
折大將腹背兩受戰辟如相撲人舉手先救面
棄遠固不可失近豈為善公宿負奇策下馬可

卷之四
二
措辦志士立功名

麒麟殿卑官如治場英

雄聽鍛鍊奇謀若可展簿尉何足嚴胸臆不得
行三公猶為賤

夏初黃無淨邀同項玄池諸公及家伯修
泛舟三忠祠

京師百戲都所少唯舟筏御水落漕渠淙淙流
一髮凡目未經見雖少亦奇絕何況集棠舟遊
遊似吳越芟蒲得水長鳬鴛避沙熟朱碧好亭
子稀疎出林樾雙航無定質隨波作周折遇樹

即停帆因風或回櫂
閘水高十仞百斛量珠屑
駿馬下危坡疾雷震空碣
西門亦有水寬丈深
寸尺計較今昔遊居然
今勝劣長跪謝主人舉
酒旌勞伐朝日照來騎
歸途見微月

尊經閣偶成

一月戶長扃幽廊雨過腥
雲生山被酒客去鳥
聽經碑古漏痕徧
掘高日影青鄭家書帶
艸隨意滿齋庭

學齋由梅子馬

踏盡高槐影青虫落酒中袖懷三月州水浣一
年塵夢裡聽朝事杯中覓聖人貧厨非大祭未
有肉由賓

送張西麓之任羅平

疋馬夜郎西層山萬綠齊空江行罔象瘦嶺出
偏蹄番牒多如篆蠻歌乍似啼僻鄉名蹟少慎
勿厭標題

秋日同梅子馬方子公周承明飲北安門
水軒

秋容瑟瑟上芙蓉湖上青山鏡裏姝碧瓦黃牆
宮樹裏湧金門外看西湖

二

閒對枯槎與釣縵暮雲斑駁似龍鱗青山不許
談新事白鳥如曾狎故人宮閣參差十里水衣
冠包裹一生塵西門車馬東門月冷熱從誰問
假真

遊泮井

恠我頻來去無樽亦嘯歌店荒酤酒濁僧近施

茶多竹裏分黃闕波間語翠娥溪光最勝處高
柳蔭長坡

天壇

空壇深淨駁琉璃禿髮簪冠老道師銅杏金塗
秋艸裡如今不似 卅宗時

二李後主呼天為碧翁

碧翁難道是無情分合千年議不成不得寧居
天亦苦古來多事是書生

三

六年通籍濫儒紳
疋馬天街觸路塵
慚愧黃冠羽衣者
朱籠雙引亦何人

四

僊苑桃花朵朵香
曾於天上看霓裳
劉郎老去風情減
閒把音容問太常

貞壽詩為馮太史母

寶髻暗塵灰
隻凰啼曉鏡
舉眼望愁空
蒼蒼不如石
簪裝能幾何
典髮買書籍
孤燈瘦形影
寒幃風雨夕
廿年立孤成
名字照丹冊
宮錦到地

紅霜心與頭白

古詩為楊中翰母中翰生十日而亡其母
十日無知識那知有慈母稍長聽人言一言一
酸楚辟如少唐兒原不知鄉土從人問里廬悲
咽淚如雨哀怨本由衷烏知涕無從一封黃紙
詔十里白楊風

香山

永陵書兩山語傳臣云
始山僧香山有翠色

真人天眼更絕倫翠色香山此語真八十老僧
牢記取一時三遍語遊人

昌平道中

菴前乞得老僧茶一派垂楊十里沙
烏籠白籃憑棟取麝香李子枕頭瓜

兒開美殤江進之書來始知

一春懷緒熱茫茫夢裏無端也轉腸
小弟書來怕愁我寒溫虛作兩三行

二

官程屈指二千餘頗怪真州消息疎
七月始傳江令字道兒亡在秒春初

三

說着旁人也痛酸余今寧有鐵腸肝十年送却
六男女已作尋常離別看

四

識得乘除理自明梅蘭烏肯一時榮黃泉若覲
先姑去好與曾登作伴行

曾登曾伯修子先亡

得舍弟徐州書

開船已是四旬餘纔得徐州一紙書內中數語
勝龐甚見了愁于未見初

二

佳人生死不知聞
辜負梨花一面雲
昨日宮羅新裁剪
為伊畝得半拖裙

劉常侍水軒

入室翠層層
秋容分外澄
花分西內種
樹古北朝僧
波淨寒生簾
峯高夜見燈
墨光濃淡裏
山水趙吳興

二

隨意移床枕
無窓不可眠
西山籬落下
流水卷

爐邊焚葉遮城壘
荻花隱寺田兒童
私打網時有白魚鮮

三

竹藥崩沙岸槐根出釣磯
卷簾山放入打菓雀
驚飛護樂添新幕
拋毬換短衣倦來觀洗馬
鞞絃盡珠璣

四

敗屋高臨水卑垣與作廬
山僧能呪樹童子解
醫魚劍玦充文具
歌謠集古書之乎亦不識糟

先泰

坐小參齋中

寒日籬花少，虛窓尺五餘。
硯皴呵繡墨，壁老剝
蠅書。定業詩調落，幽憂酒
破除。家人攀釜看綈，
錦當黃糝。

送白教諭之昌邑

依舊中山氏，長然即墨侯。
永寬存禮樂，篋敝累
陽秋。渤日流紅暈，藍花上
黑頭。到時圖海市，東
去是登州。

送父教諭之鎮安

一百二秦地三千五去程山鮮充豆品野服禮
諸生把卷聽夷樂開軒見帟行猶將京國意一
洗近邊城

別方子公

霜天客病難何況千里去空囊唯敗錐飢程如
何度客店指煤烟窮烏啄冰樹丁丁羸馬鈴終
夜相伴住懷刺二十載畢竟無一遇瀉淚憶黃
金相仇復何故聰明百倍人百算百成悞日日

扶搖風不肯吹飛絮天高畫戟門誰是思深
冬日襟興

殘菊收新藥丹書綴斷編
呵膠婢指苔老夾
米錢百衲支風慣空盃見雪顛
絨書報知己霜
滿蠟花箋

二

鴻紙羅紋滑飛杆石子寒
菊哀愁別蒂鶴老夢
歸離香重紅膏泣粉枯
白蠹殘寄聲詢衲病馳
帖報花安

三

雪炷抽寒焰
辰香掃夕塵
譜詞分侍女
鬻帖與門人
邊信封黃鼠
鄉心想白鱗
卑官與大吏
一種逐蹄輪

四

殘帙隨風卷
閒窓盡日哦
膽瓶青剝落
梵唄語聲嘶
寒節逢人少
新詩說酒多
小蠻持管咲
呵墨寫長蛾

遣姬

蠶懶無心更作絲樂天未別揚枝陽臺不是
嫌雲雨圓得生離勝死離

閒居

藤帶絲袍強束身北風雖厲不吹塵軒窓盡日
閒諸史眷屬經年斷五辛官牒注來呈府吏俸
錢支得與門人床頭一夜西湖語霜色蕭條上
角巾

二

空街羸馬有何榮寂寞繁華兩不成破懶始知

經有味送眠微覺酒多情腮毛未老隨霜換肺
病無根見臘生收拾閒烟與閒水憑將筠管作
干城

三

幽房睡足簾紋紅香鴨灰寒喚小童絃裡亂流
崩谷水瓶中微帶入松風身心何處謀長策髮
髮而今漸老翁淨榻如綿窓似洗明眸皓齒話
虛空

百衲層層煖蔽身道書觀了且存神懶心不慣
忌朝事法服無端褻野人炎葉箋中書小偈
枝風裡拾陳薪江湖凍裂冰皮老霜卽時時有
巨鱗

五

空齋獨坐擁殘薪筆有枯芒研有鱗夢裡風窓
聽似語山中烟樹念如人兒童也解談東事蕭
鼓何因動北鄰竟日飛霾無却處一層吹了一
層塵

時侯議終終

六

霜鶴啣冰且忍饑窮沙休憶稻梁肥低基動欲
求先著鈍鳥鳥能不早飛身分無多難了事酸
迂那得濟時機長安未有膠粘却日日開門放
客歸

戊戌初度

卑官自覺與心安五畝無家去亦難種榻所親
唯老易儒衫相對幾孤寒香茶每供鄰僧去院
樹時同小弟看雪色照簾花颭水濁尊聊復對

空盤

二

禪燈灑灑雪玻璃
貝典將來戒小妻
客裏羈情籠野鴿
鄉中春夢闌山雞
灰心竟日疏莊子
彈舌清晨誦准提
無限長林無限羽
一枝那復計高低

三

閒居心似夾冰魚
雪裏輪蹄亦自疎
研酒和來香泛帖
瓶花吹落濕沾書
艱深乍覺詩如讖
消

散方知道是虛一卷襟華誦未了被人邀得過
僧廬

四

清溪曲曲幾前松夢裡開門看鶴踪鄉計久要
挑葉渡客程長念北高峰笙歌漸漸于人懶山
水時時覺話重六載牽羈成底事不如瀟灑學
為農

羅隱南王章甫小集齋中說舊事偶成

漢江秋淨石粼粼黃鶴樓高不見塵今日樓臺

歸却火眼中猶聚上樓人

二

萬瓦如鱗繡作堆別山重見禿翁來晴川閣下
南條水一日同君蕩幾回

三

珠樓曲曲貯仙娃一帶風窓十里紗記得中和
門外路女牆東去是他家

四

羈居逼近紫微堂白火青烟五尺床鈴柝夜寒

聽不得鷄鳴先起着衣裳

美人臨鏡

一片湖州水吹光到曉堂
暗規時卅樣校取淺
深妝山髻平分疊
宮眉與闔長常時梳掠
罷替底立何郎

二

強起淹餘睡
柔多豔亦多
笑時添兩靨
恨至疊雙蛾
印指生寒暈
分釵割水波
休將明月比
仙子不如他

三

野豔雲爭出幽閒萼並頭分明呈舞態只是欠
歌喉西子不離水綠珠長在樓娥英若令見匣
取洞庭秋

四

百者百如意隨他作笑顰回釵生溜影分耀及
旁人睡少添眉重思多理注頻面光滑似水脂
粉不如塵

大人壽日戲作

時臘月十二日

堂前冬青樹霜至葉婆婆鷄鳴起衣冠兒郎盛
綺羅八十兩大家髣髴如鷺簪微笈動頰頰鳩
杖手摩挲平明啟扉闥戚黨相經過白馬繫垂
楊雲冠高峩峩或呈履與襦或盛練與絢紛紛
貧族子趨走供鷺鷥門下諸術人諛口若懸河
命官直田宅晚子更高科東鄰老書塾儒衫衣
敗荷方丈詩一篇高聲自吟哦社中諸法友勉
刀事禪那光陰如電掣溫言相切磋二壻白湖
米青衫夾兩騾入門疾奔趨不顧欲與坡庖丁

膾魚肉蠻奴沽酒醺甕開一徑香決口溜紅波
金綠燦俳優豔綺列青娥開場演蟠桃牙板隨
高歌袖錢出龔李濃酒唾曹何蘭膏盡一斛上
馬五更多京華宦遊子朝夕思舊窠夢中聽笑
聲一寤出雲蘿

冬夜同黃平倩兄弟董玄宰家伯修小修
集顧升伯齋中劇譚偶成

瓶火激焦聲缸燭吐紅膩吳酒貯楊妃幽香瀉
荷芰格外發狂譚一呼醒群睡涼颼入檀林敗

葉皆香氣人間塵土事了不關腸胃百年深障
習一介留文字袖空出妙絲劈天展高翅碌碌
彼人奴餘羶蔽天地鉛刀笑魚腸梟毛遮翡翠
鑄金哭坡仙百世想標幟

送武岡州判張子之任

雉堞倚山鄉青娥立曉堂胥徒勤檢點蠻語細
叅詳湘竹栽荆杖藤花上牘床荒衢通野落土
女半夷裝

戊戌除夕

除夕何所除
匝地除寒氣
除却好年光
不曾除世味
石小聚香多
鑪焦聽酒沸
供佛洗顛婆
挿瓶鮮老卉
脫篋理新裝
藤紙萬餘字
蠟火照鉛丹
如欲見腸胃
時事不堪書
下筆無驚悸
道書叅謎機
禪理供嘲戲

明人

袁孝度無涯校梓
吳士冠相如手書

瓶花齋集卷之三

石公袁宏道中郎撰
麻城陳以聞無異閱

詩

己亥元日晨起

鷄鳴拜聖人同官六七輩絳衫如葛絺罽香起
青鵲古栢老于儒拱揖向遶內花氣熏一城沙
轂市茫昧官卑心亦暇騎馬看年對

贈黃平倩編修

窓前獨種菴婆羅石火風燈不浪過箱帙夜繡
塵牘少客衣春晒衲頭多毫端泚泚書巴水枕
上巉巉夢小峨詩有餘師禪有友前希李白後
東坡

人日

旅况無此子空扉悶廣輪氣寒薪少力客謝几
生塵心切投林羽身悲貧沫鱗滔滔人盡是未
始出非人

穀日懷潘景升

西湖多少地客信也知流落依何氏巉峴入
幾支吳娘嗔罄橐杭粉上愁鬢記得拈盃處題
分穀字詩

燈市和三弟

鄮音皆
可讀漢書音贊

摩肩盡冠簪呵呼接留鄮空天蔽幃蒙高衢泥
馬汗古肆列商周異物窮番漢瞠目不能名橫
陳失真贗僻書與蠹蹟種種覓心翫突然發一
編如窮歸里閑輕紗障朱樓烟裏露微粲笑韻
自空飛幽香度簾絲不覺履綦疲唯愁眼光慢

衆中慮相失一步幾回喚

十六夜和三弟

涼月如霜鑒薄帷空盃無計覓糟醕買鐙聊復
歡兒女弄筆粗能遣歲時花火每攢騎馬客蠟
光先照走橋姬少年樂事今無幾近老方知此
興衰

燈市

六街花粉蔽蹄輪一簇香飛紫珞塵請看樓下
啼呼者即是當時樓上人

題龍騰山房

急雨朝翻箔飛泉夏入廬竹高遺鳳子石長出
雷書山鳥嘶雲語園丁帶翠鋤南岡北嶺艸枯
却幾年餘

王氏雙節

玉折苦相仍彤編合並稱淚枯雙井水心死萬
年冰惡粉常萎竹樓花每避鐙霜眉白似縷閱
盡幾哀興

和陸放翁初春遣興次原韻

疎散庸庸寄一官
匡床趺坐覺身安
聊將古道酬賓客
免把閒思累腎肝
螢火幾時能脫腐
醺雞無日得離酸
東風已放西門柳
凍水冰條亦解歡

退之雕肝鍊腎

二月十一日崇國寺踏月

寒色浸精藍
光明見題額
踏月遍九衢
無此一方白
山僧盡掩扉
避月如避客
空堦寫虬枝
格老健如石
霜吹透體寒
酒不煖胃隔
一身加數
匳天街斷行跡
雖有傳柝人
見慣少憐惜
惜哉

清冷光長夜照沙磧

偶成

入秋寒已來將夏春未至
煖氣與寒官相值如
相避麥田無寸青山容
添老賴古梅不敢開何
况桃李媚京師重拜客
酬荅有成例強赴出西
街天風吼濤勢飛沙澁
齒牙霧眼揮酸淚未必
諸高官不省塵霾氣

看月

良月下空窓秋水浸綳
裘寒氣迫衣來垂帷禦

風入驅風月亦驅特若麾舊識端坐不可忍強
起下簷立苦酒呼一盃聊以寬風力不惜待陽
和三春光景失永夜伴清暉寒士寒亦得

花朝日白蘇齋看梅

一倍惜花時寒香滴酒卮幸依無事客且喜不
蟠枝近枕通幽夢安禪伴淨尼未知白蘇老酬
唱幾番詩

花朝日伯修初度

紅葩點點灼青樹開尊正值花無數不知庚甲

是何年但道桃花開幾度玉堂署裏課葵蔬
驚池邊領鷗鷺新年詩興更勃勃墨汁淋漓染
綃素驚雷忽發萬山芽俊鷹陡落平原兔一束
牛腰足自驕九陌飛塵何所慕花下兄弟睦州
禪夢中烟月油江渡擬把一竿隨丈人不向天
家作師傅

柳枝詞

江南柳絮已紛飛河北垂楊未折枝一種青娥
嬌眼女南家嫁早於家遲

遊滿井

出東門子城古道三五折破石蹶荒丘云是故
元燭燒柳發柔條卧槎吐紅節石溝注涓水寒
鑑瀉空潔燕女競遊驂羅襪帶春雪梅花堆鬢
髻波影動文纈青山酣遠容新鳥困啼舌紅塵
視此地如穢與迷迭汲泉烹一盃肺腑沁香冽
不惜看頻頻可消奔競熱

遊高梁橋

花時晴色釀芳原出郭猶如出檻猿霧質風梢

新柳縷皴皮瘦骨老藤根紅雲尾變知魚鰓白
纈紋繁覺水溫耳聽碧流心翠嶺閒談恰已到
山門

昌平道中

柳條新婉變麥隴漸柔豐閃日雲光薄潮空旆
影紅馬嘶不見鬣轂響但聞風恰為青山去青
山塵霧中

裕陵陪祀示潘尚寶王太學第小修

長陵一聲鍾百官鞮革厲雷鳴集簪裳空山醒

龍蛻明月度欹巒
心影落虛砌炬光爍松投千
島展平翅紅綬老中官閒語
先朝事屈指鼎湖
年仙人幾回淚

長陵

長髯真人別天上
鵠馭龍驂轡千丈
氍毹風鬣滴烟香
空山夜語媿和尚
霜街寒歷吹松子
皂衣落落穿十里
小臣有語叩龍鱗
地老天荒呼不起
溪藤瘦石碧昂藏
馬蹄踏水炬煌煌
千年山骨憑搜取
當日龍沙戰幾場

暮春同謝生汪生小修遊北城臨水諸寺
至德勝橋水軒待月時微有風沙

一曲池臺半畹花遠山如髻隔層紗南人作客
多親水北地無春不苦沙
熟馬慣行溪柳路山僧解點密雲茶
滿川澄月千條綫踏踏蒼波過幾家

二

無才終是樂官閒何地何賓不解顏
乍疊乍鋪風裏水半酣半醒霧中山
御溝板落金鱗出宮

樹花翻乳燕還淺綠疎黃是處有泥人真自勝
姬鬟

謝在杭鍾樊桐諸兄集郊外

百晤百迴新肝腸絕少塵未言先側耳每笑必
傷神落翠沾行帽空嬰惑醉人石潭清到底信
手出纖鱗

和韻贈黃平倩

逍遙未必是無官割累忘情夢也安入室祇容
金相好伴身唯有缺腸肝蓬萊監裏真先輩冠

帶場中老細酸一帙維摩三斗酒孤燈寒雨夜
歡歡

即事和韻

柳下何曾耐小官青氈綠簡且偷安空窓淨閣
銷塵眼時艸新花養病肝廟市客來詢古字糧
船僧至餉吳酸密函恠牒閒搜取鈔得仙方寄
所歡

送顧升伯出使還吳

四月西山雨過時簫吹闌道沸旌旗痛憐知己

他鄉別懶作諸王奉使詩
統驛青蘆呼水鶴
渡江白笋薦冰鱗
雕窓畫舸堂堂去
閒解花綢看小兒

時升伯生子

二

青巒生色水生波
處處吳姬餉酒醪
震澤有山皆樹橘
帟丘無月不聽歌
潮田沒去春畦少
儂語訛時恠事多
近日抽徵知不免
閭門風景看如何

送李湘洲使浙

咫尺山東道千艘與萬艫郵棲常下鶴驛飯每
炊菰閉口聽朝事降心禮佛徒不言知向越面
上有西湖

二

別路紅橋上無情亦有歌青山庭道石流水拍
雲波北闕新知少西湖熟夢多向來題字處墨
瀋遍嵯峨

送夾山舅令太原

踏盡層巖見稔畬烟巒難火若仙家公亭客過

開生釀石室僧來刈種花竹下簿書閒州偈山
中人吏學烹飪高槐影靜莎連裏香散屏空放
早衙公學粹兼好外丹

二

閒將公事了尊壘郭外青山探幾迴從事也因
流水出長官多為踏花來印文長日封蒼蘚薄
笑經年長蠹灰身是嘉祥舊令尹東西歷盡始
知才

送黃貞父令進賢

撇却孤山舊葛巾暫時朱紫縛閒身高才正不
須違俗七尺何妨也拜人花裏課書分小吏山
中留偈謝高真直將數斗西湖水一洗南州案
牘塵

宗國寺葡萄園集黃平倩鍾君威謝在杭
方子公伯修小修劇飲

入門似出門莎畦布平遠十畝蕃艸龍垂天蔡
鬢鬢古根老巉石涼蔭厚深巘茫茫三夏雲有
舒而無卷分棟理孫枝鑿泉通小猷樹上酒提

偏波面流盃滿榴花當觥籌但訴花來緩一呼
百螺空江河決平行流水成糟醅鬢盤沾苔蘚
侍立盡醒顛不辨盃與觥翹首望禪中天地困
沈吟未覺七賢達異乎三子撰

端陽日集諸公葡萄社分得未字

榴花颭清渠漱漱紅波沸十里菖蒲風一幄芰
荷氣行年三十餘辟若午將未樂事竟虛無勞
勞長世味試把硃砂觴一洗滯腸胃野性發雲
嵐榮若新開卉世事本閒閒經端生怖畏無論

失筭非得筭亦無謂不有出世人焉知酒杯貴

和鍾君威花字

官貧僻治將僧貧僻種花兩貧戲問取身困意
何奢數畝葡萄棚下馬如到家良朋遙指引佳
會屢停車竹石能幾何使我心忽遐自來慳飲
者嚙酒亦如茶甕瓶高累累腹罄卧平沙歡呼
達夜半一里無栖鴉藻文沾白帽禪榻倒烏紗
衫欄沽酒盡或恐到袈裟

和黃平倩落字

諸君且停讀聽我酒正約禪客匏子卮文士銀
不落酒人但盆飲無得濫杯杓痛飲勿移席極
歡勿嘲謔當杯勿議酒屈罰無過却種種皆歡
候違者三大爵

和伯修家字

京師盛重五所在競繁華空連唯竹石勝之以
清嘉藤陰代帷幄禪板代笙笳荷筒當酒盞藥
艸當名花枯栢四五株勝彼百髻了風篁數枝
響陋彼百淫哇彼歌此嘔喁質朴類田家區區

未免俗白酒漬紅砂

和方子公童字

方生老為客往往狎青童下馬揖平頭興發如
飈風瘦骨載野心一飲百餘鍾微波照顛影線
偶繫虛空十閭七負觥脫冠語篁藂從君文字
飲辜負石榴紅

和小修掃字

禪客惡花繁引水植香艸迸階多子篁棲樹無
凡鳥碎日搖空庭波紋如可掃鸚鵡與鳬鷺自

鄰自社保客來非習靜偶然合大道一味出林
風銷盡諸塵抱止酒但止甘聚朋先聚老

丘長孺自塞上來

百錢買得梨花春洗却并州馬上塵萬里質田
無售主一生知己是貧人扶搖不肯吹飛絮尺
水如何縱巨鱗醉起彎弓猶一石清時羈紲老
麒麟

夏日同江進之丘長孺黃平倩方子公家
伯修小修集葡萄方丈以五月江深州閣

寒為韻余得五字

落花點地成重五香翠熏泥粉沾雨買得安石
伴炎官鬼書未燥花先腐當窓一榻卷琉璃下
方五月吹寒楚姬公且自卻門檐茗椀溫花生
白縷

二

下里詩人喚陽五酒腸窄窄無一縷空拳往往
博歡場如以孤羊角群希一蕉入口即槃珊浪
言欲作糟丘主天幸酒伯多知音嵇阮賀李相

推許鄴留豈必解拔堅不飲何妨建旗鼓

和丘長孺

藤蔭朵朵碎光白古寺閒房坐佳月白家

丘善歌白

姬所授也

曲子規如珠沉宮棹羽吹香雪五言七言

信手成刺霧裁風好肌骨節根處處覓糟丘逸
思迸如春艸發世人三十進愁鄉眼睛直視胸
懷結天生蕩子慣窮途客囊冰冷心猶熱官既
無門名不有爾縱不言我心折眼中知己盡青
雲不能拔汝一毫髮七尺身材五尺臂雕弓往

往穿金鐵貧賤熬人亦自難許身何苦太高潔
埋却中山十斛毫獵盡撩天千里鵲射虎韞鷹
一健兒無成何用空吻舌莫辭低頭拜大人溺
間睥下真豪傑

和小修

薊州新酒白石缸空雲影澄鴨頭江露梢千縷
撲斜窓黃笙藤枕夢吳艘葛締小眼如雲涼星
河放教萬尺長

和方子公

酒困傷脾色昏沉下馬呼水煎人參皆云昨宵
倦苦極動以狂藥相規歲須臾甕香撲鼻來初
猶矜持漸浸淫尊隕壘決不可止突若一群狂
猩猩脫帽擲天呼石語蒼昊不高海不深至我
酒人天下樂寧有醉死無醒生

和江進之

一尊相對嘆枯老出囚人逢他鄉道但令脫絛
即華津寧論官高與官小剡溪藤紙百玉長渴
驥驚蛇惟一掃霜根忽地破東風千山萬嶺生

青艸閒水閒山處處行
刻盡雲烟與花鳥娃宮
胥廟武丘山別後新函寄多少

和伯修

西風胃藤如胃索急雨穿棚如穿幕
樹梢投地水濺珠葛衫吹上毘盧閣
乍黑乍丹雲態多驟寒驟燠天公瘡
熱席得雨亦快人愁殺山僧賣花萼

和黃平倩平倩有文君盤出以行酒

臨卽酒壚卓氏盤
芳向禪堂醉裏看
橘皮蟹爪

未足云分明遠山秋水寒殘膏剩馥沾唇吻
得青娥入肺肝世遠物微不可知且欲借此為
樂端百盤一吸無遺漚奔注有若順風湍醉中
逸思不可止拔却老僧新竹竿書空十字作鳳
字平地躍躍飛生鸞

門人

袁升度無涯校梓
吳士冠相知手書

瓶花齋集卷之三

瓶花齋集卷之四

石公表宏道中郎撰
麻城陳以聞無異閱

詩

顯靈宮集諸公以城市山林為韻

仙人傑閣俯王城
西山見雨北山晴
高雲直接薰爐氣
去官百里聞鈴聲
古栢石幹青虬枝
烟綃千尺屋十楹
東邊柰子結老友
却憶往年梅客生

甲午冬客生曾致書小修以東城柰
花晉陽菴人亡及此中古栢為老友

二

野花遮眼酒沾涕塞耳愁聽新朝事
邸報東作一蓬灰朝衣典與栽花市
新詩日日千餘言詩中無一憂民字
旁人道我真瞶瞶口不能答指山翠
自從老杜得詩名憂君愛國成兒戲
言既無庸嘿不可阮家那得不沉醉
眼底濃濃一杯春慟于洛陽年少淚

三

琳宮高處見西山濃翠隱約高低鬟
幾年桑乳

筭雲烟人間巒石無蒼顏白雲向我意潛潛欲
從平地乞休閒東郊西隴皆官畝判取虛空任
往還

四

松棚不濶濃濃陰池沼不寬濫濫深賓朋不衆
盡同心言語無多足知音三伏自然消暑氣何
用深山嘉樹林

顯靈宮夜歸

雲頭黯淡色如鐵撲衣打面旱沙熱六街潑墨

氣騰騰笑點風燈鬼明滅鈴鐸當當辨古寺走
入衲僧蚕紙被墮瓦拋椽雨閣眉雷公脫車
輪碎長風捲地天吹坼一星透出層雲額馬蹄
依舊逆衝颶炬火不光天路窄電光熠熠譖華
繒細如姬髮粗如繩雲山花鳥各呈態天女飛
絲繡不成人言閃電是天笑天翁何事頻歡叫
嫦娥歸魄織女藏頑墨春盲有何好北安門外
水沉路溜點在簷雨在樹果然隔轍分晴陰雨
師似亦相回護歸來門巷無燈燭叱奴鞭婢旋

煮粥墨花一瀉滿吳箋殘雨踈踈滴簷行

酒正喧蕭君席上作蕭時居城外

酒正喧關吏言請君秣馬飭歸轅巴川健兒豕
成群邀官挾吏通州門逐席怯逐飛蚊倭刀吼
室箭出韃東坊西市榜明文不嚴軍律嚴司關
木門蒼琅根日未昏斷行人

和江進之襍詠四首

山亭處處挈胡床不獨游忙睡亦忙官况易消
如暴水癡兒難長似黃楊巖花盛日求長假石

捐開時見古方擲却儒紳與巾子添將水水注
茶湯

二

盆池清淺薄苔封弱竹葉叢不影重殘帙有芸
猶被蠹空闌無藥亦招蜂西山鬱鬱蒼蒼氣講
閣朝朝暮暮鐘箬葉數筐書尺五芥茶新寄自
吳儂

三

藤葉常懸四五葩閒隨方卦過鄰家西廂托疾

東廡假南寺聽經北寺茶牒老花闌如倦客天
清雲薄似飛紗姬衫典盡餅猶餒學把繒錢托
畫叉

四

六尺莎階九尺廬玄毫白楮任生疎花前屢從
擯愁酒架上聊存引睡書蘄竹細紋如浪滑吳
綃寒緯似雲舒幽窓一枕騰騰去煉佛求仙事
揔虛

丘長孺醉歌和黃平倩

廣陵細酒真珠沸。蕊花泱泱倒何渭。所朱微面
火生肌。離身一里聞糟氣。初如渴驥奔島泉。漸
如怒虎吞鸞臠。乍如山石崖一絲。又如雲絮泊
空際。須臾變幻如偶兒。乍孤乍末恣俳優。又如
分身作數人。口耳心神不相制。旋風着樹刺鉤
藤。卽卽舞袖張顛字。口中牽絲舌力蹇。千言不
能達一義。酒人諱醉強惺惺。容貌矜持禮法贅。
強將拜跪學常人不覺歌身落崖砌。千扶萬擁
不能支。吻中微聞呼白二蒼溜。丁丁滴到唇舉

手推屋若辭醉一酣三日昏如泥勦聲吼若驚
講至天然一幅渾沌圖人間械路爭迴避白二
丘郎

也姬

德勝橋水軒集諸公詩

西山去城五十里紫巘青邏見湖底一泓寒水
半庭莎賺得白雲到城裏芡葉濃濃遮雜野
客登堂如登舸稻花水漬御池香槐風陣陣宮
雲涼一番熱雨盛波沸穿簷撲屋生荷氣乍時
潑墨乍清澄雲容閃爍螭蛟戲簾波斜帶水條

烟北窓雨後夢清圓
允將數斗意仁酒
賃取山光不用錢

避雨崇國寺三日紀事

濕雲漲山雨不止一酣三日
葡萄底天公困雨如困醒
醉人渴飲似渴水東市典書
西典几團糟堆麴作城壘
明知無雨亦不行權將雨作題
目爾僕夫安眠馬束尾大甕小甕來日起

吳人求別詩

聞名不識面勝于識面者未晤先惜別
形骸翻

是假京師沙礫場風光少秀冶樂事盡輸吳
酒獨難捨空囊何所戀身輕等飛瓦夜雨潞
風秋郊吳苑馬

節壽篇

為蕭山沈令廣乘母夫人作

三十年藐諸一顧一鳴咽淚濕瑣窓花紅紫也
成雪窮巷苦書聲孤釭語寒鐵敝帙三五箱字
字殷痕血垂老課兒官霜花冷白髮湘湖千頃
萼不敢餉兒姪母貞益子廉源清者流潔辟如
千霄筠稚筍亦高節輦錦落天花萬古冰潭熱

鄉邦傳盛事似作昔賢說試檢孀娥編女史難
為烈

又代作

立孤丈夫難何況婦也隻累淚看零丁忍作山
頭石塵窓閑孤影幾曾見天碧夜雨絲絡聲窮
巷丘軻籍尺楚起離皇長風老勁翮五載蕭山
令空齋類禪客近雪無緇流何況霜自白

七月二十一日有憶偶題

霧月曉花啼柳冷鶯夢怯石枕剩相思穠香散

幽帖清思如靜水紅從笑頰起背燈換薄衣倩
郎收瑤珥別淚浸蘭被思愛等蟬翅銀箭撥香
灰寫作天長字塔燈繞層檠紅闌對大道昔時
合歡場今見高塚艸楓根聞鬼語鄉音帶淮楚
淙淙女兒神吹作何山雨

伯修齋中同汪叅知諸兄共譚

石瘦盆池清竹冷秋窓蒨只數本蓼花亦復添
幽豔賢朋三五人肝膽皆如面寶月含琉璃無
心不可見摩隴若許年宦網增塵胃學道不出

經如以輕加茜辟諸生礦金渣汁少陶鍊毛孔
薰旃檀龐公以為鑑

秋日集江進之王以明方子公王章甫小
修飲崇國寺分韻得邦字

露葉滴秋窓竹香入酒缸嬌青槐子破淺嫩菊
了雙石火僧茶韻松音出梵腔冥心真契理甕
裡有蓮邦

贈王以明納貲歸小竹林

讀書三十年何曾效一字九萬里衝風不能起

蟬翅人間龍子藏
天上司又睡質書典青山勉
就冬官例鳳老注枯梧強作迴翔計
低枝無偉巢聊減衝雲氣
擲巾簪笋皮脫衫買荷菱萬竹
中棲身崖風吹遠唳銷心曰傳詩遣老
龐公偁鐵錐題冷篁畫破千竿翠

十景園小集

一門復一門
墻屏多于地
侯家事整嚴
樹亦分
行次盆芳種種清
金蛾及茉莉蒼藤蔽
梧楸
楚
楚千雲勢
竹子千餘竿
叢梢減青翠
寒士依朱

門索然無偉氣，鶴翎片片黃。丹旗榜銀宇，綈錦
裹文石。翻作青山崇，兌酒向東籬。頽然索清醉，
九日大慧寺登高遲。家伯修黃平，倩不至。
蒼色滿諸巒，如何獨自看。閒僧四五衆，丈石兩
三盤。白額題高塚，紅衫度遠欄。北風浸骨冷，端
不似秋殘。

崇國寺同王章甫小修看月

涼月白霜階，光膩平于砥。古木坐寒禽，寫影空
窓裡。牙刀劈沈心，雲母熏紅紙。茶鑪藏古雲，一

葉寒吹起角燈抽紫焰
凍花老瓶水滑波映瑣
璃一片冷光死灰心伴
夜禪寒鴝呖行履

過通州

白舫綠油扉多時夢亦
稀浪中丹雉見郭裏水
禽飛古寺荒何代空楊
瘦十圍四年一帶水三
度斷腸歸

時亡女附舟南歸
先為亡姓及姓女

盤山道中嘲寶方死心齋三和尚

筇節楞楞過頂顱偏衫
口上繫胡珠雲字棕笠
垂垂墮正好和驢寫作
圖

宿千像寺東鍾刺史

詰曲歌嶠出李群王
秀瘦透出米元章

詰曲歌嶠路皴秀透瘦石飛巖繡鐵花螺子點
雲額平生米南宮耽幽窮鬼跡石根搜古雲跼
遍秋空碧豁眼見新巒長咲落巾幘貪看不知
晚懸石布茵席回首神仙吏青嶂達門闕倚史
朝焚香秋雲幾回白稜稜恠石供聊以施遊客

石雨洞

山僧問亦不知名凹處唯將腹背行石骨數卷
泉一縷遊人多少上聞聲

入盤山

分明真山子的的有畫意風霜勻粉丹雲霞綴
錦地一皴一百仞雕鏤入空際瘦骨間青脂蒼
勁有餘媚天紳秣頂垂僊藥披襠被虬松百萬
株粘石無根蒂峰峰有活石石挾仙氣一石
置一山一山一點卒散作諸巒巖分身可千計

盤山頂

摩天抽碧簪俯不見鳥背西日照塔輪影落重
邊外栽髻瘦仙人玉冠蒼水佩貌古骨青青見

者肅而拜浮空日翳雲足底呈光恠或聚或被
絲或舞或澎湃千里聽風鈴飛花落羶釜一萍
一青山一點一人界

遊天門開

發足自髻石灣還可四里一步一驚魂路荒不
容趾粘壁行刀脊下視深無底狂鏗構虛空癡
石綴癥瘡其沙生以墳其骨汗而泚其艸油以
絲其樹糟而圯忽然繞峭巖忽然崩騰水忽而
沒九天忽而九淵起健夫引長繩半日一移跬

四肢互相用臂行足以視或如鵬折身或如丁
旋尾或如殼出殼或如蟹引跪又如斫古繒蛭
蠹蝕絲理又如讀殷盤聳軋釘與詭當其快心
意虛空躍繩妓少爲筋力疲蚊虻撼犀兕鬚髮
生烟嵐肌膚碎荆杞百苦到天門相對惟口哆
雙壁削青銅飛鳥不能止一匣銜古光方空如
水洗陰陽工刻轢霜雪恣摩砥萬古貯雲霞右
紋繡青紫敗桐蛇腹段古鈕蟻螭螭蟲語出史籀
書斑駁硃砂藥僧言三十年茲石未沾履徃時

并序
戚將軍架空一遊此長老傳白猿今來猿亦死
是時七月初寒肌如栗子引指人人危四身面
面鬼歸來問僮僕鬚鬚白餘幾破網取珊瑚判
命競奇傀

戲贈死和尚死心以秀才出家

原名文煒

鐵城焰裏熱忙身幾人能擲頭上巾題將百八
金剛子辭却東家老聖人少年意氣非等閒精
悍之色在眉間鎔取魚腸一匣水鑄作胡僧雙
耳環往年湖上逢開士藻月規烟說文煒但知

北海是大兒誰識南宗印真子海內學士聞行
履半說顛狂半驚死東方先生代解嘲秀字何
妨豎却尾瘦巖百尺突寒松冰谷千年貯古水
落花紅洗入溪瀾請看風吹起不起

寒溪道中

空巖着古花石路水紋斜瘦野多耘棗桑門屢
餉茶逢人皆說早上馬但愁沙匝地誅求盡孤
雲也失家

贈大宗長老

鬢髮茁霜根精神出骨上能令見者心自發幽
巖想西山萬螺青得意即孤往履嶮若平陂寬
衣不持杖道逢破衲人長跪必合掌陰却身口
外一銖無餘鏹經行達曙鷄念珠長五丈淨月
含寶瓶徹底皆澄朗

入紅螺嶮道中紀事

山風吹曉作新嵐仙夢茫茫古石龕欲識死生
情切屢棺材峯上卓茆菴

山上有棺材峯

二

田家打棗婦盈畝高髻垂肩竿在手此是六郎
繫馬椿郎君未審停鞭否

三

葫蘆棚下水平戰古戍遺屯記宛然馬市時來
今幾載邊烽堡裏宿枯禪

初入紅螺嶼

鑿天出古空意匠窮刻露贖取長吉魂幻作鬼
工賦霜巖透斑鐫石骨鍊清怒厯劫至于今彫
鏤不曾住無石不巧心轉眄殊態度一種老健

中自發鳩媚趣陰巘夾琉璃飛玄窟仙步一死
直青山梯足于懸樹

月夜登良鄉塔岡與子公諸友作別

秋山漱漱滴青霧城外人家城裏樹白埃一道
衝紅亭正是馬蹄離別處荒垣殘葉幾家村千
屋洗盡月波痕鄉關十路九貂虎未知托鉢向
何門驚禽一羽分煙去雲樹沉沉安可論

涇陽驛見王子聲壁間韻愴然有述

只合臨漳死曹家鬼好文楓根猶有繡夜壑豈

無春研乞銅臺瓦，姻求洛浦甄。歌遺塗粉客，衣
逐賣香人。客鬼輕殘蛻，騷宮重楚魂。死生旦晝
理，夜樂勝朝顛。

真定大悲閣同王六宇年兄及小修弟登
覽有述

一盤三十級，低窓平鳥翅。空裏約數盤，始盡金
色臂。碑文深蘚痕，歷歷隋唐字。樹老北朝根，霜
繡生古翠。飛題接綺疏，斑駁有奇緻。闢古不闢
鮮，真丹無兩寺。憑虛弔古人，觸眼傷新事。擁甍

一談空稍蠲憂時淚憶初直省時把手青卿地
光華若春條白面青絲髻塵土十年餘鬢毛添
老賴面皮堆浪紋陰憂如有蒂少年可喜譚入
口皆無味相逢低兩眉但訴歸林計蓮花求主
人長誓作兄弟沐猴暫衣冠了却開箱戲

趙州觀水壁憶真際和尚

幻士幻入水三昧搏取天河作手戲跳珠迴沫
五尺餘一城艸木掀濤勢古佛堂前栢樹子半
裂空心半髡死荒簷龍鍾幾病僧日暮空恒拾

菌耳堂頭老像如冰冷寒碑月寫風枝影石欄
獅子向東啼夜深喚却虚空醒

過黃梁祠

一掠青絲鏡面垂朱題銀額呂仙祠饒他壽盡
塵沙劫只是黃梁未醒時

二

不脫陰區苦柰何仙官塵侶不爭多人間惟有
李長吉解與神仙作輓歌

叢臺

夢繞陌花薰殘宮沒野耘秋空呢鳳淚陰谷女
龍雲古水空沉照飛蛾每化裙苔封埋半碣斑
剥有遺文

繁臺張昭甫給諫竹居王孫邀飲畝別
白果青蔬勞遠程高臺傾矣曲池平沙田似雪
耘枯塚柿子如丹綴土城古蹟有無遺宋嶽監
門應否識侯生欲知別後愁多少試檢霜毛添
幾莖

宿朱仙鎮

秋高夜鐸冷空庭
艸木猶疑戰鐵腥
地下九哥
今悔不六陵花鳥哭冬青

二

羯胡歲歲括金錢
稱姪稱臣也枉然
馬角不生
龍蛻冷酸心直到犬兎年

三

青驄挽斷綠楊絲
寒食西湖祭酒時
第六橋頭
香十里
桃花風起疊琉璃

四

祠前蕭鼓賽如雲
姑汪爭剗弔古文一等英雄

含恨死幾時
論定曲將軍

野史載曲
端事甚烈

門人

袁林度無涯校梓

吳士冠相如手書